



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DAVANJU SAGLASNOSTI NA UGOVOR O POKLONU
DVA UMJETNIČKA DJELA AKADEMSKOG SLIKARA SAFETA ZECA
(Prijedlog)

Predlagač: Gradonačelnica
Obrađivač: Stručna služba za poslove kabineta
i poslove Gradske uprave

Sarajevo, juli 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. i člana 76. Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

**ODLUKU
O DAVANJU SAGLASNOSTI ZA ZAKLJUČENJE UGOVORA O POKLONU
DVA UMJETNIČKA DJELA AKADEMSKOG SLIKARA SAFETA ZECA**

**Član 1.
(Predmet Odluke)**

Gradsko vijeće Grada Sarajeva daje saglasnost na tekst Ugovora o poklonu dva umjetnička djela akademskog slikara Safeta Zeca, i to:

- Bakropis, suha igla, motiv „Bentbaša“, otisak bakropisa 100x130, procijenjene vrijednosti 10.000,00 KM. Bentbaša je jedan od omiljenih slikarskih motiva i posebno drag dio Sarajeva koji se nalazi na istočnom ulazu u grad i
- Acquatinta, puntaseca, motiv „Velika bijela kuća“, otisak dimenzija 100x130, procijenjene vrijednosti 15.000,00 KM.

**Član 2.
(Ovlaštenje za zaključenje Ugovora)**

Gradsko vijeće Grada Sarajeva daje ovlaštenje gradonačelnici Grada Sarajeva da, u ime i za račun Grada Sarajeva, zaključi Ugovor o poklonu dva umjetnička djela akademskog slikara Safeta Zeca, čiji je tekst sastavni dio ove odluke.

**Član 3.
(Stupanje na snagu Odluke)**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:
Sarajevo, __. __. 2024. godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u odredbi člana 31. Statuta Grada Sarajeva („Službene novine Kantona Sarajevo”, broj 7/23) kojim je propisano da Gradsko Vijeće Grada Sarajeva donosi odluke, druge propise i opće akte i daje njihovo tumačenje, te je nadležno za upravljanje i raspolaganje imovinom Grada Sarajeva. Pravni osnov je sadržan i u članu 76. Statuta Grada Sarajeva kojim je propisano da imovinu Grada Sarajeva čine pokretna i nepokretna imovina, da je nosilac prava raspolaganja imovinom Grada Sarajeva Gradsko Vijeće Grada Sarajeva, te da imovinom Grada Sarajeva upravlja Gradsko Vijeće Grada Sarajeva, u skladu sa zakonom i drugim propisima, te u interesu lokalnog stanovništva s pažnjom dobrog domaćina.

RAZLOZI DONOŠENJA

Fondacija „Ivanka i Safet Zec“, uz saglasnost akademskog slikara Safeta Zeca, obratila se Gradu Sarajevu pismom namjere, protokoliranim pod brojem 01/14-04-5470/24 od 18.07.2024. godine, u kojem je izrazila želju da Gradu Sarajevu pokloni, odnosno ustupi na trajno korištenje dva umjetnička djela, i to:

- Bakropis, suha igla, motiv „Bentbaša“, otisak bakropisa 100x130, procijenjene vrijednosti 10.000,00 KM. Bentbaša je jedan od omiljenih slikarskih motiva i posebno drag dio Sarajeva koji se nalazi na istočnom ulazu u grad i
- Acquatinta, puntaseca, motiv „Velika bijela kuća“, otisak dimenzija 100x130, procijenjene vrijednosti 15.000,00 KM. Velika bijela kuća je nekada bila dio naselja Bistrik na kojem je odrastao akademski slikar Safet Zec. Nažalost, kuća je strušena i sjećanje na nju je u maestrovim djelima.

Na tekst Prijedloga Odluke o davanju saglasnosti na Ugovor o poklonu dva umjetnička djela akademskog slikara Safeta Zeca pribavljeno je mišljenje Pravobranilaštva Grada Sarajevo, broj 02-08-M-105/24 od 19.07.2024. godine.

FINANSIJSKA SREDSTVA

Za realizaciju ove odluke nisu potrebna finansijska sredstva.

UGOVOR
O POKLONU DVA UMJETNIČKA DJELA
AKADEMSKOG SLIKARA SAFETA ZECA

Zaključen između ugovornih strana:

1. **Fondacija „Ivanka i Safet Zec“**, ulica Maršala Tita broj 31, 71 000 Sarajevo, kojeg zastupa direktorica Fondacije Ivana Jugo (u daljnjem tekstu: Poklonodavac)
2. **GRAD SARAJEVO**, ulica Hamdije Kreševljakovića 3, Sarajevo, kojeg zastupa gradonačelnica Grada Sarajeva prof. dr. Benjamina Karić (u daljnjem tekstu: Poklonoprimac)

Član 1.

Predmet ovog ugovora je poklon dva umjetnička djela akademskog slikara Safeta Zeca, i to:

- Bakropis, suha igla, motiv „Bentbaša“, otisak bakropisa 100x130, procijenjene vrijednosti 10.000,00 KM i
- Acquatinta, puntaseca, motiv „Velika bijela kuća“, otisak dimenzija 100x130, procijenjene vrijednosti 15.000,00 KM, a u skladu sa Odukom Gradskog vijeća Grada Sarajevo o davanju saglasnosti za zaključenje Ugovora o poklonu dva umjetnička djela akademskog slikara Safeta Zeca broj: od __.__.____. godine („Službene novine Kantona Sarajevo, broj __/__)

Član 2.

Poklonodavac, uz pisanu saglasnost autora umjetničkih djela iz člana 1. Ugovora (datu putem Pisma namjere od 18.07.2024. godine) kao izraz prijateljstva i dobre saradnje, bez ikakve naknade ili tereta, poklanja Poklonoprimcu.

Član 3.

Poklonoprimac prihvata predmet ugovora iz člana 2. ovog ugovora i saglasan je da od Poklonodavca primi u vlasništvo i posjed predmetne umjetnička djela po osnovu poklona, te iste evidentira u svojoj popisnoj evidenciji.

Ugovorne strane saglasno konstatuju da se predmetna umjetnička djela iz člana 1. Ugovora već odranije nalaze u posjedu Poklonoprimca.

Član 4.

Predmetni Ugovor je izraz slobodne volje ugovornih strana, sačinjen u skladu sa Odlukom iz člana 1. ovog ugovora.

Ugovor je sačinjen u obostranom interesu, bez prevarnih radnji, prinude, prijetnje i zablude pa ga kao takvog ugovorne strane saglasno potpisuju.

Član 5.

Na odnose između ugovornih strana koji nisu regulirani ovim ugovorom, primjenjuju se odredbe Zakona o obligacionim odnosima.

Član 6.

U slučaju spora po ovom ugovoru, ugovorne strane nastojat će isti sporazumno riješiti, u protivnom saglasne su da prihvataju nadležnost suda u Sarajevu.

Član 7.

Ovaj ugovor stupa na snagu danom potpisivanja obje ugovorne strane.

Član 8.

Ugovor je sačinjen u četiri (4) istovjetna primjerka, od kojih Poklonoprimac zadržava tri (3), a Poklonodavac jedan (1).

POKLONODAVAC
Fondacija „Ivanka i Safet Zec“

Ivana Jugo

Broj:
Sarajevo, __.__.2024. godine

POKLONOPRIMAC
GRAD SARAJEVO

Prof. dr. Benjamina Karić

Broj: 01/14-04-5470-3/24
Sarajevo, __.__.2024. godine